

清華大學國學研究院
中華書局編輯部 編

梁任公先生年譜長編稿本

中華書局

清華大學國學研究院
中華書局編輯部

編

梁任公先生年譜長編稿本



第十二冊

中華書局

民國四年乙卯（西曆一九一五）先生四十三歲

正月大中華雜誌出版先生為主任撰述同月順

德麥孟華卒先生感存念已悲痛至不能自持同月

日本提出二十一條件於政府二月袁總統任命先

生為政治顧問三月袁總統令派先生考察沿江各

省司法教育事同月先生返粵原籍省親並慶父壽

五月七日日本向政府提出關於二十一條件之最

後通牒九日政府承認該項通牒六月先生由粵北

返抵寧晤馮華甫談帝制事乃偕馮入京諫袁八月

參政院推定先生與李家駒汪榮寶等十人為憲法

梁任公先生年譜稿紙

起草員八月楊度孫毓筠嚴復劉師培等發起籌安
會鼓吹帝制先生為異哉所謂國體問題者一文攻
之九月先生患痢甚劇十二月九日先生起程南下
十八日抵滬二十五日雲南宣布獨立並討伐袁政
府自是先生居滬者兩月餘是歲廣智書局停辦

正月中華書局刊行大中華雜誌聘先生為總纂陸氏宣言書中

有云：梁任公先生學術文章海內自有定評竊謂吾

國上流人稍有常識固先生之功居多而青年學

子作應用文字其得力於先生者尤衆吾大中華

雜誌與先生訂三年契約主持撰述此外擔任著

譯諸君亦皆學術專家文章泰斗人才一端亦勿

庸贅述

大中華雜誌，陸費逵，
見中華書局第一卷第一號

梁任公先生年譜稿紙

先生為撰發刊辭一篇茲節錄數節於後：

嗚呼我國民志氣之銷沈至今日而極矣當前
清光宣之文吾觀全國陰森之氣吾既深痛極慟
嘗為之言曰人人皆有我躬不閱遑恤我後之心
乃相率為且以喜樂且以永日之態以謂似此暮
氣充塞之國僥焉其何以終日由今思之彼時譬
猶深秋百卉萎黃羣動淒咽已耳至今日乃真晦
盲否塞寒沍惛惛含生之儔幾全喪其樂生之心
舉國沈沈然若歌薤露以即墟墓吾童幼時誦變
風變雅諸什竊疑天下之生久矣而當時之民曷
為獨憔悴憂傷一至此極嗚呼豈圖我生乃躬見

梁任公先生年譜稿紙

之雖然此無怪其然也我國國民積年所希望所夢想今殆已一空而無復餘德守舊而談變法也而變法之效則若彼德專制而倡立憲也而立憲之效則既若彼曰君主為之毒也君主革矣而其效不過若彼曰亂黨為之梗也亂黨平矣而其效不過若彼二十年來朝野上下所昌言之新學新政其結果乃至為全社會所厭倦所疾惡言練兵耶而盜賊日亦滋秩序日益擾言理財耶而帑藏日益空破產日益迫言教育耶而馴至全國人不復識字言實業耶而馴至全國人不復得食其他百

梁任公先生年譜稿紙

端則皆若是。迄於今日，或乃懲羹吹虀，甚至欲一切摧陷廓清，以反乎其舊。夫使率舊而可以善治，則三十年來我國榮光早耀大地，而進化適存之學說，其當摧燒矣。今也取國家組織社會狀態，凡百欲復辛亥以前之舊寢假，而復戊申庚子以前之舊寢假，而復戊戌甲午以前之舊微論，其決不能至也。勉而至焉，將焉取之？經曰：興亂同道，罔不亡。清曷為亡，而乃踵其武？惟恐不肯寧，非天下大不可解之事。然則謂此為不可耶？反乎此者，其治效又奚若？循壬子癸丑間之國家組織社會狀態。

而縱其遷流所極則雖欲求如今日又豈可得譬
諸汎舟北溯固為斷潢南駛亦成絕港緣延回淤
迷復循環詰其所屆莫之能對今之中國豈不如
是耶其於人也亦然曰甲派誤國乙派代興則又
何若者曰乙派誤國丙派代興則又何若者曰官
僚腐敗誠腐敗也而詆官僚者又豈其清高曰新
進浮躁誠浮躁也而排新進者又豈非其篤厚病
獨裁制則思合議而合議之不饜於人心也如故
病合議制則思獨裁而獨裁之不饜於人心也如
故希望某甲某甲出矣果何濟者轉而希望某乙

梁任公先生年譜稿紙

某丙某乙某丙皆出矣又何濟者蓋數年之間中國所有一切黨派一切人物既雜還焉旅進旅退於此廣場而彼之如蒼生何蒼生之如彼何者皆不過爾爾至於今則唯徼一人之福以託數萬萬人命譬猶懸千石之鐘於壞宇而恃一髮以繫之旁無化身而後無替人天下險象孰過於是迴視境外則磨牙吮血以伺吾旁者不知幾何姓其術或以驟或以漸或以暴壓或以陰鷲為道雖不同而皆可以蹙我即於死地疇昔每遇橫逆之加時或瞋目攘臂慷慨思一雪而虛憍之氣不旋踵

而瘍近則惟相安於犯而不校事事退嬰屈讓以
待剝牀之及膚而數十年來恃均勢之局以苟延
殘喘者今也機括一弛形勢迥異疇曩歐洲戰爭
中或戰爭後吾國必將有大變而所以應之之方
則朝野上下瞢然不知所為計以言夫內之不足
自存也則既若彼以言夫外之不能與立也則又
若此坐是之故全國人之心理幾以中國必亡為
前提其大多數蚩蚩之氓既懵然莫識禍難之所
由來與其所終極惟宛轉愁歎於生計之艱難弱
者弱者隨自然淘汰之勢轉死溝壑悍者攘奪騙竊慙

梁任公先生年譜稿紙

不畏死以徼目前斯固無論矣而號稱士大夫為
全國全社會之中堅者徒以懷抱中國必亡之心
理故而種種促之使亡之事實乃因緣而發生其
血氣用事者以為等是亡也毋寧亡於吾手如昔
人所謂時日曷喪予及汝偕亡於是日謀搆亂煽
禍以破壞秩序詰之曰以若所為足救國乎則應
曰吾知其不能也吾快吾意而已此亡國心理之
一種也此猶有血性而偏諛焉者其巨猾大慙默
窺夫國中一部分人之具此心理也則思利用之
以充其箇人谿壑之慾甚者不惜為張邦昌為吳

三桂引吾敵以覆吾宗此亡國心理之又一種也
此其狼戾而黠焉者也有善柔而黠焉者以為
國亡既在旦夕吾乘其須臾未亡之頃而急起直
追有所攫取焉以為他日飽則颺去之計但其操
術不如彼巨猾大慝之拙劣也惟順時以趨利故
其所處之地常甚安而其所獲之實常甚豐國一
日未亡則安富尊榮足以驕人及其既亡則在他
人統治權之下作一富家翁以長子孫耳其既得
有此種地位者則求保之使勿失墜其未得此則
百計求所以得之此亡國心理之又一種也亦有

梁任公先生年譜稿紙

志行純潔之士平昔固嘗有所懷抱瞭然思自效
於世幾經挫折乃廢然而返以謂將傾之廈非一
木可支吾何為自苦其根器淺薄者寢假酺醕啜
醕以同化於巧宦之所為即其深知自愛者亦援
周之可受免死而已之義求薄祿以自晦而神氣
沮喪不復思為國家更有所盡此亡國心理之又
一種也其最謹飭者則守持一職奉行長上之意
不求有功但求無過此本平世最馴善之公民所
宜爾不容相非也然問其每日矻矻孳孳所奉行
者將有何結果則應曰明知其無結果或且生惡

結果也然吾何與者吾為機械而已此其所以自
處者雖未可深責然率其暮氣以傳播充於社
會謂非亡國心理之一種焉不可也更有持詭激
之論者以謂中國人終已不復有統治此國之能
力毋寧聽其速亡以待能統治者統治焉則人民
其或猶有出水火登衽席之一日吾且求在大同
主義之下為一幸民無為局促於褊狹國家主義
之下以自苦此種幻想雖聰明絕世人猶不免時
時縈漾於腦海中雖不肯昌言然不知不識間已
漸沁入社會心理而滋其根莖吾誠不敢謂此輩

梁任公先生年譜稿紙

為懷挾惡意然謂非亡國心理之一種焉不可也
以上所舉六種心理雖未敢謂能舉全國之拘情
而描寫之而上流士大夫所言思擬議及其所由
之徑能外是者蓋亦罕矣為塗雖殊然其豫備亡
國且以自力促其亡則一也夫人雖至愚亦何至
凡百不預備而好為亡國之預備人雖至不肖亦
何至發憤以自力促其國之亡而全國心理乃幾
盡趨於是者此無他故彼其二十年來經歷內界
之挫躓外界之刺激而中國必亡之想像乃愈演
而愈深馴至盤踞人人心而不能自拔譬諸狂

狎之囚已聞法廷宣告死刑病療之夫已知醫者
 賜言不治雖尚視息人世直需時耳於此而語之
 以治身心立事功寧非譴囑若此者吾無以名之
 名之曰亡國之自覺心夫至全國中堅之士大夫
 而皆自覺亡國國其更安幸其更有他種致亡之
 原因與否不可知而即此自覺必亡之一念乃真
 不寢之於卒亡焉而不止矣

大中華報附刊
 五月十六日

梁任公先生年譜稿紙